

四庫全書

子部

欽定四庫全書

仁齋直指卷二十三

宋 楊士瀛 撰

明 朱崇正 附遺

腸癰

腸癰論

癰發於外人可得見者猶為危急之疾而况隱伏腸間  
痛無定處人不可得而見者乎蓋癰疽五發在外則為  
發背發腦發眉發鬚發頤在內則為腸癰心癰腎癰肺

癰臍癰等患治之得法尚庶幾焉一着少差枰碁去矣  
何則腸癰為病身皮甲錯腹皮緊急如腫之狀而按之  
濡體無悶熱腹無積聚者此積陰冷之所致也當以溫  
藥調之發熱無汗洒淅惡寒小腹腫強而按之痛小便  
澀數其候如淋者此內結熱之所致也當以涼劑利之  
其脉遲緊膿未成者可下其脉洪數膿已成者不可下  
甚者腹肚脹大轉側聞有水聲或遶臍生瘡膿汁穿出  
或臍中常常出膿或大便屢下膿血凡此皆為惡證其

間寒熱氣急煩渴驚悸嘔惡唾膿咳嗽痰涎自汗自利  
如尋常發癰之狀亦類有此婦人尤多得之但恐世俗  
不識其證耳抑余聞焉內經有曰息貴病有人得之二  
三年遍身微腫其後大腸與臍俱出膿血遂至不救此  
亦腸癰類也又可不可審思而明辨之乎

腸癰證治

牡丹散治腸癰冷證腹濡而痛時時利膿

人參

牡丹皮

白茯苓



天麻

黃耆

木香

當歸

川芎

辣桂

桃仁

浸去皮炒  
各三分

白芷

薏苡仁

甘草

炙各  
二分

右末每服三錢井水煎食前服

木通散治腸癰熱證腹痛而強發熱惡寒小便似淋濃  
未成者用此

木通

薏苡仁

葶藶  
炒

甘草

炙

川升麻

北梗

桃仁

侵去皮炒

赤茯苓

牡丹皮

各一兩

生乾地黄

甜瓜子

敗醬

赤芍藥

各一兩半

大黃

半兩

朴消

一分

右剉為散每服三錢井水一盞半薑五片煎服

四聖散治腸癰癰疽便毒神效

生黃瓜萐

一枚去皮

粉草末

四錢

沒藥末

三錢

乳香末

一錢

右件用好紅酒二大碗慢火煎至一碗分作兩服兩日服盡大便順導惡物妙若乾瓜萆則用兩枚

薏苡湯治腸癰冷熱證通用

方見血類

加北梗甘草煎服

究原排膿內補散治腸癰冷證及癰疽等患

人參

當歸

川芎

厚朴

薑製

防風

北梗

焙

白芷

辣桂

黃耆

炙

甘草

炙

白伏苓

等分

右為末每服三錢溫酒調下如不飲酒南木香煎湯下諸癰熱證黃瓜萆煎湯下

雲母膏治內外一切癰腫結毒冷熱證通用藥料四十

件

修製法度詳見和劑方

每服一錢圓如梧桐子大冷證以酒送

下熱證甘草煎湯送下○又肺癰胃膈間隱痛而咯膿血腥氣上衝濃煎北梗甘草湯送下服畢皆就枕

蠟礬丸治諸癰腫毒痔瘻惡瘡

方見痔門

燒棗散治腸癰

乾棗

連枝燒存性

川百藥煎

研細等用

右為末每服一錢米飲調下

附諸方

秘傳薏苡仁湯治腸癰腹中疝痛煩毒不安或脹滿不食小便澀婦人產後虛熱多有此病縱非是癰證疑似間便可服

薏苡仁

五錢

牡丹皮

桃仁

去皮尖炒各三錢

瓜仁

四錢

右咬咀分二貼每貼水二盞煎八分去滓溫服

一方治肚癰便癰

牽牛末

兩

大黃

兩

牛旁子

半錢

補骨脂

一錢二分半

右為細末冷蜜水調空心服每二錢加芒硝妙

牡丹湯治腸癰小便腫否按之即痛如淋或小便自調  
時時發熱自汗出復惡寒其脉遲緊者膿未成可下  
之當有血洪數者膿已成不可下

大黃

蒸

桃仁

去皮尖  
各五錢

牡丹

一錢  
一字

瓜蒌實

三錢

芒硝

三錢三  
分

右咬咀作一服煎去滓入芒硝再煎沸頻服未効再

服敗毒散

方見傷  
寒門

神効托裏散

和劑  
方

治癰疽發背腸癰奶癰無名毒腫毒

作疼痛增寒壯熱類若傷寒不問老幼虛人並治之

忍冬草

去  
梗

黃耆

各五兩  
去蘆

當歸

八兩  
二錢

甘草

炙八  
錢

右為細末每服二錢酒一盞半煎至一盞病上食後  
病下食前少頃再進滓外傳未成內消已成即潰也  
一方治腹內癰腫

大黃

一兩取末  
四錢半

破故紙

一兩取末  
二錢

牛旁子

一兩取末  
一錢

牽牛

一兩取末  
二錢半

右和作二服蜜水調空心服以利為度

丹溪云

大腸有痰積死血流注用桃仁承氣湯加連翹秦艽



近肛門破入風者難治防風之類

桃仁承氣湯

方見血門

腸風

腸風論

腸胃不虛邪氣無從而入人惟坐卧風濕醉飽房勞生冷停寒酒麪積熱以致榮血失道滲入大腸此腸風臟毒之所由作也挾熱下血清而色鮮腹中有痛挾冷下血濁而色黯腹內畧疼清則為腸風濁則為臟毒有先

便而後血者其來也遠有先血而後便者其來也近世俗糞前糞後之說非也治法大要先當解散腸胃風邪熱者與敗毒散冷者與不換金正氣散風邪既去然後隨其冷熱而對治之或曰血遇熱則行止血多有涼藥如地榆散蘗皮湯黃連阿膠丸酒蒸黃連丸輩施之熱證固當然爾其或陽虛陰走正氣不得歸元則用木香理中湯附子理中湯震靈丹黑錫丹輩如之何而廢之要之芎歸湯一劑又調血之上品熱者如伏苓槐花冷

者加伏苓木香此則自根自本之論也雖然精氣血氣生於穀氣靖惟大腸下血大抵以胃藥收功真料四君子湯參苓白朮散以枳殼散小烏沉湯和之胃氣一回血自循於經絡矣抑猶有說焉腸風之與虫痔特介乎毫芒之間腸風之血自腸中來虫痔之血肛門邊傍別一小竅射如血線是也迨夫肛門既脫腐血浸淫於其間則俱化為虫蠹蝕腸口滴血淋漓自此又不能約而收之矣善調理者尤當以蕪荑艾葉苦練根輩為之化

虫○血屬於心雖曰川芎當歸主血當以茯苓伏神佐之前輩止血亦不用甘草但增棗入藥用

腸風證治

敗毒散不換金正氣散

方並見寒類

地榆散治腸風熱證下血

地榆

黃連

茜根

黃芩

伏神

各半兩

梔子仁

一分

右麤末每服三錢薤白五寸同煎服又藥皮湯

方見瀉類

通用

酒蒸黃連圓

方見  
痘門

黃連阿膠丸

方見  
散門

伏苓伏神煎湯下

治諸下血腹痛痛即是血多服為佳附子理中湯

方見  
寒類

理中湯

方見  
瀉類

內加木香治虛冷腸風○芎歸湯

方見  
血類

熱

證加伏苓槐花冷證加伏苓木香

小烏沉湯

香附

并去皮毛  
焙二兩

天台烏藥

去心  
一兩

甘草

炒一  
分

右為末每一錢鹽點服枳殼散正方不用加藥參苓

白朮散

方並見  
虛勞門

四君子湯

症門

四件夾和薑棗煎服治

諸下血

烏荊圓治腸風下血諸風抽掣

川烏頭

一兩炮  
去皮

荊芥穗

二兩

右為末醋麵糊圓如桐子大每服二十圓枳殼散下

不換金正氣散加川芎當歸同煎吞白圓子

方見身  
疼門

治

腸風及便血妙

四君子湯加製白扁豆黃耆治腸風五痔下血痿黃乏

力

猪臟圓治大人小兒大便下血日久多食易飢腹不痛裏不急名曰野雞先用海螵蛸炙黃去皮取白者為末以木賊草煎湯調下服之三日後用淨黃連二兩剉碎嫩猪臟二尺去肥以黃連塞滿猪臟繫兩頭煮十分爛研細添糕糊圓如桐子大每服三五十圓米飲下

橄欖散治腸風臟毒久不止

橄欖核於燈燭上燒存性研為末每服二錢用陳米

飲食前調下

蒜連圓一名金屑萬應丸治腸風臟毒

方見血類

○法製香

附方并黑散子治腸風臟毒

方見血門類

黑玉丹治腸風痔瘻等疾

棕蘭

頭髮

以皂角水流淨各二兩

刺蝟皮

槐角

各三兩

牛角髓

四兩已上並燒存性

生油麻

雷圓

各一兩

苦練根

一兩一分

乳香

半兩

麝香

二錢

猪蹄甲

四十九箇燒



榼藤子

炒香一兩一分

右為末酒麵糊圓桐子大每服五十圓食前米飲下  
腸風黑散治腸風下血腹痛

敗棕

頭髮

木饅頭

木賊

各燒存性

槐角

炒

枳殼

製各一分

甘草

炒焦

烏梅肉

炒各半分

右為末每服二錢陳米飲乘熱調下

木賊散治腸風下血

木賊

去節炒  
一兩

木饅頭

炒

枳殼

製

槐角

炒

茯苓

荊芥

各半  
兩

右為末每二錢濃煎棗湯調下

槐角圓治傷風瀉血脫肛

槐角

一兩

防風

地榆

當歸

枳殼

製

木賊

茯苓

各半  
兩

右末酒麴糊圓桐子大每服三十圓米飲下

真人養臟湯

方見  
瀉類

加生槐花治腸風冷熱不調下血

黑聖散治腸風臟毒痔瘻及諸下血

當歸

川芎

茯苓

地榆

槐花

焙

敗棕

艾葉

性燒存

百草霜

右件等分為末每服二錢食前陳米飲調下

鯽魚方治腸風血痔及下痢膿血

大活鯽魚一箇不去鱗肚下穿一孔去其腸穢入透

明白礬一塊如金橘大以敗棕皮重包外用厚紙裹  
先煨令香熟去紙於熨斗內燒帶生存性為末每服  
一錢空心溫米飲調下

震靈丹

方見  
瀉類

玉華白丹

方見  
瀉類

治臟腑虛損大腸不收久

作腸風下血二藥夾用煎不換金正氣散加川芎空心  
嚥下

黃龍圓治傷酒臟毒及暑瀉熱瀉

黃連淨八兩用酒一大升煮乾研細水麪糊為圓如

桐子大每服四五十圓陳米飲湯下

消風散治腸風米飲調下吞烏荊圓酒蒸黃連圓隨意

方見頭  
風門

腸風久血方

吳茱萸

淨半兩盪  
七次炒過

黃連

去鬚  
七錢

右為末陳米糊圓桐子大每服五十圓陳米飲下食

前服

又方

茅花

敗荷葉

敗棕

各半兩  
燒存性

香附

杆淨一兩炒鹽和一  
半炒焦一半畧炒

右為末食前米飲調下二錢

腸風方

香附

一兩  
製

枳殼

三分

當歸

川芎

各半  
兩

槐花

炒

甘草

炙各  
一分

右為麤末每服三錢新水一盞半薑棗煎食前服

附諸方

加減四物湯治腸風下血不止

側柏葉

生地黃

當歸

酒浸去蘆

川芎

各一兩

枳殼

去白炒

荊芥穗

槐花

炒

甘草

炙各半兩

右咬咀每服四錢水一鍾薑三片烏梅少許同煎空

心溫服

腸風黑散

和劑方

治腸風下血或在糞前後並皆治之

荊芥

二兩

亂髮

槐花

槐角

各一兩

甘草

炙

蛻皮

炒各兩半

枳殼

去白二兩炒一兩

右將所燒藥同入瓷瓶內鹽泥固濟燒存三分性出

火毒同甘草枳殼搗羅為末每服三錢水一鍾煎七

分空心服

結陰丹

按方

治腸風下血臟毒下血諸大便血疾

枳殼

去穢炒

藏靈仙

黃耆

陳皮

去白

椿根白皮

何首烏



荊芥穗

各半兩

右為末酒糊丸如梧子大每服五七十九陳米飲入

醋少許煎過要放溫水送下

黃連貫衆散

張子方

治腸風下血

黃連

雞冠花

貫衆

大黃

烏梅肉

枳殼

荊芥

各一兩

甘草

炙七錢五分

右為末每服二錢溫米飲下食前

一方治臟毒下血

用黃連四兩酒浸春秋五日夏三日冬七日晒乾為末以烏梅肉六兩同搗為膏丸如梧子大每二三十丸空心白湯下

一方治腸風下血

滑石

當歸

生芩

黃芩

蒼朮

各等分

右以水煎服或以蒼朮生芩不犯鐵器為末丸服

一方治腸風臟毒

用茹蒂燒灰存性為末米飲調下二錢小兒服半錢

諸痔

諸痔論

臟腑本虛外傷風濕內蘊熱毒醉飽交接多慾自戕以故氣血下墜結聚肛門宿滯不散而衝突為痔也肛邊發露肉珠狀如鼠乳時時滴潰膿血曰牡痔肛邊生瘡腫痛突出一枚數日膿潰即散曰牝痔腸口顆顆發癰

且痛且癢出血淋瀝曰脉痔腸內結核有血寒熱往來  
登溷脫肛曰腸痔若血痔則每遇大便清血隨下而不  
止若酒痔則每遇飲酒發動瘡腫而血流若氣痔則憂  
恐鬱怒適臨乎前立見腫痛大便艱難強力則肛出而  
不收矣此諸痔之外證然也治法總要大抵以解熱調  
血順氣先之蓋熱則血傷血傷則經滯經滯則氣不運  
行氣與血俱滯乘虛而墜入大腸此其所以為痔也諸  
痔出血肛門間別有小竅下如血線不與便物共道痔

久不愈必至穿穴瘡口不合漏無已時此則變而為癰  
矣前乎治法之外抑猶有說焉腸風臟毒之與痔瘻同  
出而異名也歲積月累淫蝕腸頭濕爛可畏此果何物  
致然哉虫是也其間執劑又當為之化虫不然古書何  
以謂之虫痔○氣血下墜衝突為痔既不能坐又不容  
行立行立則愈墜矣惟高枕偃仰心平氣定其腫自收  
諸痔證治

清心湯素問云諸痛癢瘡皆屬於心心主血熱諸痔受

病之源也此藥主之

黃連

淨一兩

茯苓

去木

微赤茯苓

各半兩

右為末煉蜜圓如桐子大每服一百圓食前米飲下  
患痔只是喫白米稀粥疏其腸胃

黃連阿膠圓治諸痔解熱調血

方見嗽門

用枳殼散送下

方見

虛勞門

或黑豆煎湯下解裏熱先用此○追風毒剉散治

諸痔蘊熱腫痛大便不通加枳殼煎

方見脚氣門

清涼飲治諸痔熱證大便秘結

當歸

赤芍藥

甘草

炙

大黃

米上蒸  
晒等分

右為粗末每服二錢新水煎服

五痔散治諸痔不問冷熱內外

鱉甲

醋浸  
炙焦

蝟皮

剉碎  
炒焦

猪甲

剉碎  
炒焦

蜂房

炒各  
半兩

蛇皮

一條燒並  
各存性

右為末入麝少許每服一錢半食前米飲調下

聖圓子諸痔通用

榼藤子

重一兩者三箇去穢酥炙

猪牙皂角

二兩醋炙

蛻皮

一箇炙令焦

大皂莢刺

二兩燒各存性用

沒藥

別研

槐角

各三分

麝

少許

右為末酒麪稀糊圓桐子大每服三十圓枳殼散送下

雞峯烏金散治痔漏

穿山甲

刺蛻皮

黃牛角心

各碎炒黃

猪牙皂角

槐子

皂莢刺

枳殼

貫衆

阿膠

各等分再炙和



牛角

蝟皮

山甲

同炒  
黑

右為末每服一錢半用胡桃肉研爛併調酒食前服  
大腸有熱荊芥泡湯調下漏血不止當歸煎湯調下  
槐角圓治諸痔及腸風下血脫肛

槐角

去梗  
一兩

防風

地榆

當歸

枳殼

麩炒

黃芩

各半  
兩

右為末酒麩稀糊圓梧桐子大每服三十圓米飲下  
蝟皮圓治諸痔出血裏急疼痛

槐花

微炒

艾葉

炒黃

枳殼

製

地榆

當歸

川芎

黃耆

白芍藥

白礬

煨

貫衆

各半兩

蝟皮

一兩炙焦

頭髮

燒三錢各存性

猪後蹄垂甲

十枚炙焦

盈尺皂角

一疏去弦核醋炙黃

右為細末煉蜜圓桐子大每服五十圓食前米飲下  
收痔圓諸痔通用

透明阿膠

炒酥

黃連

淨

貫衆

各半兩

盈尺皂角

去弦核  
醋炙焦

蝟皮

炙

蜂房

炒焦

蛇皮

畧炒

皂角刺

畧炒

穿山甲

揀入熱火  
灰中令焦

豬後蹄垂甲

燒已上  
各存性

當歸

川芎

槐花

並用二  
錢半

右為末米醋煮麴糊圓桐子大每服七十圓調氣用  
枳殼散下消血熱荊芥煎湯下食前服

蠟礬圓治諸痔諸癰惡瘡便毒

明白礬煨為末鎔蠟圓桐子大每服七圓溫熱水下

猪甲散治諸痔

猪後蹄垂甲

不拘多少  
燒存性

右為末陳米飲調二錢空心服

青蛙圓治諸痔

青色蛙

長脚者取一  
箇燒存性

右為末雪糕圓桐子大每服十五圓空心先喫飯二匙次以胡桃肉切細煎湯調枳殼散送下若產婦發痔裏急作疼用黑豆一百粒陳米一合夾煎湯下亦先喫飯二匙

穿山甲散治痔肛邊生鼠乳或成瘡痛

穿山甲

橫取後段尾根盡  
處一兩炙焦存性

鱉甲

半兩酒  
炙酥

麝

半錢  
細研

右為末每服一錢半用蠟茶半匙夾和沸湯調下防  
風煎調亦得留滓傳痔○又方單用穿山甲

地榆散治痔生瘡腫痛

地榆

黃耆

枳殼

檳榔

川芎

黃芩

赤芍藥

槐花

羌活

各半兩

白歛

蜂房

炒焦

甘草

炙各一分

右剉每服三錢新水煎服

皂刺圓治痔痛而復瘡

皂莢刺

二兩燒煙盡存性

防風

槐花

各三分

蛇床

白礬

煨

白蒺藜

炒去刺

枳殼

製

羌活

各半兩

蜂房

炒焦

五倍子

各一分

右為末醋調菰豆粉為糊圓如小豆大每服五十圓以  
苦練根煎湯下仍用童子熱尿入白礬末澆洗肛門  
皂角煎圓治內痔腸頭裏面生核寒熱往來

滿尺皂角

三錠去弦  
核醋炙

刺蝟皮

一兩  
炙黃

白礬

煨一  
兩

猪後蹄垂甲

十枚燒  
存性

桃仁

浸去  
皮尖

川芎

北梗

甘葶藶

炒焦各  
半兩

薏苡

白芷

右為末煉蜜圓如桐子大每五十圓桑白皮煎湯下

仍以藩籬草根煎湯熏洗

芎歸圓治痔下血不止

川芎

當歸

黃耆

神麴

炒

地榆

槐花

微炒各半兩

阿膠

炒酥

荊芥穗

木賊

頭髮

燒存性各一分

右末煉蜜圓桐子大每服五十圓食前米飲下

乾葛湯治酒痔



白乾葛

枳殼炒

半夏製

茯苓

生乾地黄

杏仁各半兩

黃芩

甘草各一分

右剉碎每服三錢黑豆百粒薑五片白梅一箇煎服  
橘皮湯治氣痔

橘皮

枳殼炒

川芎

槐花

炒各半兩

檳榔

木香

桃仁

浸去皮尖

紫蘇莖葉

香附

甘草

灸各二錢半

右剉每三錢薑棗煎服

代赭石圓治痔變為瘻膿血不止

代赭石

煨醋淬研

磁石

煮米醋數沸煎七次研

白礬

煨

牡蠣灰

龍骨

研

蝟皮

灸焦

皂莢刺

燒

猪後蹄垂甲

燒各存性

赤石脂

川椒

焙

木賊

蜂房

炒

右件等分細末神麴糊圓小豆大每服五十圓食前艾

并生薑煎湯下漏血處以熟艾揉和血竭塞日三換  
荊枳湯治氣滯發痔

荊芥穗

枳殼

炒

槐花

香附

紫蘇莖葉

甘草

炙等分

右為末每服二錢米湯調下

芎歸湯

方具載血類

加伏苓槐花微炒治產婦諸痔

傳痔方治腸口熱腫朴消二錢鵬砂半錢末之乾摻○又大黃滑石等分末之井水調傳○又朴硝五倍子等末傳之

止血方

明血竭末傳之。○通用方猪後蹄垂甲燒灰傳。○又水浸熊膽汁以筆傳。○又鴨嘴青膽礬煨為末用清蜜調筆傳可以消脫。○又雞子一箇煮熟去黃取白切焙明礬煨白歛各一錢同末傳有孔用紙撚蘸入熏洗方

槐花荊芥枳殼艾葉水煎入白礬熏洗。○又木鱉七枚取仁研土礬末二錢少水煎熏兩三次。○又藩籬草根

煎湯先熏後洗藩籬花似小芙蓉。又蝟皮三指許艾  
葉一團如燒香法置長桶中坐熏三次凡痔發於肛內  
者須用熏洗若腸口腫熱朴硝末新汲水調常常淋之  
治諸痔方凡痔皆因酒麪炙烤蓄熱傷血惡血結聚於  
下焦不得疏通於是下墜而為痔患痔之人下部留蓄  
血熱多致大小便不通小腹結急纔得一通又復閉塞  
且有漱水之證此下焦留蓄血熱明矣其下焦蓄血亦  
以尺脉洪盛見之合用逐瘀湯主治須得大小便通快

患處即以明白礬泡湯溫洗仍以葱湯再沃次用桐殼  
灰穿山甲尾間炙焦地膽去翅足秫米炒各一分為細  
末入膽礬少許研和酒調以筆蘸傳少頃痛來以葱湯  
沃去準一時許前藥又增此膽礬若痛又以葱湯沃之  
又等一時藥中又增此膽礬並如前法一日三次用前  
藥其膽礬又以漸加多於第一日矣後日三次用煎藥  
其膽礬又以漸加多於第二日矣痛則沃之以葱湯三  
日以還更不用藥只是明礬泡湯與白湯相間淋洗日

三四次十餘日自然成痂如柿乾之狀無膽礬以綠礬代之

逐瘀湯通利大小便取下黑物

川芎

白芷

生乾地黄

赤芍藥

五靈脂

枳殼製

阿膠炒

蓬莪朮

茯苓

茯神

木通

生甘草

各一分

實大黃

生用

桃仁

盪去皮焙各一分半

右剉散每三錢井水一椀薑三片蜜三匙煎服以利  
為度瘀血作痛通用

治痔五聖丹

雄黃

葉子雌黃

朴硝

綠礬

明白礬

各半兩

右件各別磕碎以銀窩一入雄黃二入雌黃三入朴  
硝四入綠礬五入白礬圓瓦片蓋定炭火煨一日夜  
看青煙出盡有紅煙上方好候冷取出紙襯塲地上



用盆蓋出火毒一日夜入乳香沒藥末各一錢同研極細每抄一匙煎甘草湯調傳外用雞羽掃藥末蓋之日二次夜一次自然乾硬而脫逐日須用葱白煎湯入朴硝溫洗軟帛拭乾然後傳藥○治痔豬膽膏豬膽七枚各取汁以建盞盛炭火熬成膏用單紙攤傳須先用槐根取白皮煎湯溫洗然後傳藥

熏痔方

五倍子日乾如燒香法置長桶內坐燠患處自然收

縮

治痔方

紫荊皮新水煎食前服○又方白芷末用米飲調食前服○又方赤蜈蚣焙乾為末入腦以津唾調傳青紗上貼或朴硝末摻亦得○又方五倍子焙黃剉碎每用一兩井水三大碗煎乘熱熏先拭乾爛石膏燒紅碗覆地出毒細末傳

附諸方

乾葛湯治每遇飲酒發動痔瘡腫痛而流血

乾葛

枳殼

炒

半夏

茯苓

生苧

杏仁

各半兩

黃芩

甘草

炙各二錢半

右剉每服三錢黑豆一百粒薑三片白梅一箇水煎服

橘皮丸治因憂思恐怒適臨於前痔瘡發作腫痛大便難強努則肛出并皆治之

橘皮

枳殼炒

川芎

槐花

炒各半兩

檳榔

木香

桃仁

炒去皮去

紫蘇莖葉

香附

甘草

炙各二錢半

右剉每服三錢薑棗煎服

地黃丸治五痔滋陰必用之

地黃

酒蒸熟一兩六錢

槐花

炒

黃柏

炒

杜仲

炒

白芷

各一兩

山藥

山茱萸

取肉

獨活

各八錢

澤瀉

牡丹皮

各六錢

茯苓

六錢

黃耆

一兩半

白附子

二錢

右為末煉蜜丸如梧子大每服五十丸空心米湯服

下

五灰散

三因方

治五種痔瘡不問內外並宜服之

鱉甲

治壯痔

蛻皮

治壯痔

蜂房

治脉痔

蛇蛻

治氣痔

猪左足懸蹄甲

治腸痔各等分

右燒存性隨證倍用一分為末井花水調二錢空心  
臨臥時服之

一方治熱痔疼痛不可忍者

用鮮枸杞根數莖杵爛煎湯熏洗其痛立止

四物湯

方見虛  
勞門

解毒湯

方見積  
熱門

灸法用大蒜一片頭垢捻成餅子先安頭垢餅於痔上  
外安蒜艾灸之

便毒

便毒論

腎為作強之官所藏者志也男女大慾不能以直遂其志故敗精搏血留聚中途而結為便毒矣夫人腳腿與小腹合縫之間精氣所出之道路也或觸景而動心或夢泄而不泄既不得偶合陰陽又不能忘情息念精與血交滯其不為腫結也幾希便毒處所上不在腹下不在腿介乎兩者之中是也嘗怪世俗無知纔覺有便毒

證狀必以為熱氣所攻每每薄衣露足遂使寒邪乘之  
熱氣轉不得散日復一日敗精宿血愈聚而愈結焉不  
思一身宗筋上絡於舌本下聚於陰器筋得寒則急急  
則縮甚至偃僂而不獲伸於斯時也百藥並陳亦難責  
效况復從事於寒涼者乎治法散寒利熱泄其腎邪活  
其血脉是為捷徑外此老人氣滯亦或有之

便毒證治

雙解散治便毒內蘊熱氣外挾寒邪精血交滯腫結疼



痛

辣桂

川大黃生

白芍藥

澤瀉

牽牛炒取末

桃仁去皮炒乾各一分

甘草半分

右為粗末每服三錢薑五片食前煎服日兩服先小便快熟從小便出後大便利皆是稠毒

連翹湯治便毒腫結

連翹

獨活

川升麻

射干

木通

桑寄生

赤茯苓

甘草

炙各七錢半

大黃

生用

木香

乳香

沉香

各半兩

右剉細每服三錢慢火煎服

復元通氣散便毒初發用此方

穿山甲

酒浸炙焦二兩

天花粉

酒浸一宿焙

白芷

舶上茴香

炒

白牽牛末

炒

延胡索

擦去皮

南木香

當歸

甘草

炙各一兩

青木香

半兩

右為細末每服二錢溫酒調食前服不飲酒南木香

煎湯下

退毒飲治便毒腫結

穿山甲

半兩 釀法  
醋炙焦

木猪苓

三錢 法  
醋微炙

右為末每服二錢食前老酒調下次以法醋煮肥皂

研膏傳之妙

五苓散疎利小便以泄敗精

方見飲  
水門

用葱二莖煎湯調

下追風毒剉散治便毒熱證大便秘結

方見脚氣門

又清

涼飲通用

方見痔門

○和劑流氣飲治便毒大便不通加生

大黃食前服

方見脹滿門

○究原排膿內補散便毒已消常

服之

方見腸癰門

潰處以白鯁白及沒藥乳香血竭為末傳

之蠟礬圓治腫核痔漏諸癰

方見痔門

四聖散治便毒癰

疽賜癰神效

方見腸癰門

傳方治便毒腫痛

雄黃

乳香

各二錢半重

黃柏

一錢

右為細末分作兩服以新水調傳自平

皂角膏治癰疽便毒等

皂角一條長尺以上者槌碎法醋煮爛研成膏傳之  
屢效

膠方便毒初發

水膠用水溶開塗傳若便毒已大而軟則用魚鰾膠  
於熱湯中煮軟乘熱研爛傳之或要換藥以熱湯洗  
去

蕉葉方治便毒

蕉弓葉乾者焙焦為末法醋生薑自然汁等分調傳

又方

紫背草研醋調傳

附諸方

秘傳蟬退散治便毒初起疼痛服之神效

蟬退

去土並頭足

楓由蟲

炙死各二錢

蜈蚣

三條燒存性

雄黃

三分

右件共為細末分三服用好酒煎一二沸食前服忌  
食諸熱毒物

秘傳獨聖散治一切便毒連連作痛更不腫起名曰陰  
毒服之立應

取活蜈蚣一二條用炭火燒存性為末用好酒調  
服食前下

雙解散治便毒內蘊熱氣外挾寒邪精血交錯腫結疼  
痛

辣桂

大黃

白芍藥

澤瀉

牽牛

炒搗研

桃仁

去皮各二錢半

甘草

五分

乾薑

一錢

右咬咀分二貼每服用水二盞煎七分食前服

一方治便毒初發以生薑一大塊米醋一合以薑蘸醋

磨取千步峰泥敷之即散

千步峯泥地上人經行日久其泥突起者是

附疳瘡方

秘傳鳳凰衣散治疳瘡腫痛神效



鳳凰衣

即包雞子壳內衣是也不以多少

輕粉

冰片

各少許

右為極細末傳患處効

麝香輕粉散治血疳陰蝕臙瘡耳疳一切惡瘡

輕粉

麝香

各五分

乳香

沒藥

明礬

各一兩

右為細末乾貼

一方治下疳瘡

蜜陀僧

黃連

黃栢

輕粉

各等分

右為細末以鹽艾湯沃洗乾摻

附妬精瘡方

津調散治妬精瘡膿汁淋漓臭爛

黃連

欬花

等分

右為末以地骨皮蛇床子煎湯洗絹帛挹乾津調藥敷

歌曰

陰瘡痒痛黃汁注

輕粉石膏濕乾傅

不然細研生白礬

冷水洗之根亦去

又

臈茶五倍末同調

摻傅陰瘡便可消

更有一般官局藥

水銀和粉玉龍膏

又

婦人交接妬精瘡

地龍蛇床作洗湯

細研黃連欸冬末  
唾津調傳是良方



仁齋直指卷二十三

欽定四庫全書

子部

仁齋直指卷二十四

詳校官太醫院吏目臣周世泰

編修臣倉聖脈覆勘

覆校官中書臣朱鈐

校對官主簿臣汪日贊

膳錄監生臣張鴻仁

欽定四庫全書

仁齋直指卷二十四

宋 楊士瀛 撰

明 朱宗正 附遺

癰疹風

癰疹風論

風氣挾熱起於湊理皮膚不腫不疼發為瘡癢謂之癰  
疹此風熱之浮淺者也其亦有寒暑濕之氣行焉風熱  
在表天時炎暄而燥氣乘之則為赤疹風熱在表天時

寒涼而冷氣折之則為白疹赤者遇涼清而後消白者遇溫暖而後滅然則用藥加減可無權度於此哉其有浴後湊風與夫汗出解脫而得之者隱隱微黃似赤似白凝滯於肌肉之間而四體為之重着此風熱之挾濕外證又可推矣如其不知寒暑濕之所由生概以療風熱等輩索之按圖殆恐痰嗽嘔渴雜證交攻由癰疹而變為瘡疹

癰疹證治



天麻散治風熱癰疹

天麻

川芎

川升麻

半夏

製各  
三錢

防風

細辛

羌活

荊芥穗

蟬殼

去  
足

甘草

焙各  
二錢

右細剉每服二錢薑三片井水煎服挾寒者加官桂

挾暑者加柴胡黃芩挾濕者加茯苓蒼朮

加味羌活散癰疹通用

羌活

前胡

各半兩

人參

北梗

川芎

茯苓

天麻

枳殼

製

甘草

炙各二錢半

蟬殼

去頭足二錢

腦荷

一錢半

右末每挑二大錢七薑錢三片煎服

消風散治癰疹瘙癢

方見頭風門

川芎茶調散治風熱癰疹

方見頭風門

胡麻散治風熱癰疹

方見歷節門

人參羌活散治風熱癰疹瘙癢

方見眼目門

惺惺散

桔梗

細辛

人參

茯苓

白朮

瓜蒌根

甘草

炙等分

右末入薄荷煎要和氣添薑錢可夾和人參羌活散

治癰疹亦治瘡疹

羌活散治癰疹

白僵蚕

直者去紫煨  
盡絲令黃

右末好茶清入此蠶汁調下

傳藥

明礬

朴硝為末井水調雞羽掃傳

又方

赤小豆 荊芥穗晒為末雞子清調薄傳

又方朱黛散撲傳

方見丹  
毒門

洗方蠶沙新水煎密室溫洗

胡麻散治風氣挾熱癰疹瘙癢

胡麻子

十二兩

苦參

荊芥穗

何首烏

各八兩

威靈仙

防風

石昌蒲

牛旁子

炒

菊花

蔓荊子

蒺藜

炒去刺

甘草

炙各六兩

右末每服二錢食後薄荷湯點服或好茶清亦得

丹疹並不得喫醋

附諸方

陽毒升麻湯癰在面傷寒一二日或吐下後變或陽毒腰背痛煩悶不安面赤狂言見鬼下痢脉浮大咽痛

人參

黃芩

麝香

犀角

甘草

各二錢五分

升麻

半兩

右咬咀水煎取飲半盞刻許再進溫覆手足得汗出解

玄參升麻湯癰在身治汗下吐後毒不散表虛裏實發於外甚則煩燥譫妄

玄參

升麻

甘草

各等分

右咬咀水煎服

陽毒梔子湯治傷寒壯熱百節疼痛而發癰

升麻

梔子仁

黃芩

芍藥

石膏

知母

杏仁

柴胡

甘草

各等分

右為粗末每五錢入薑五片豉百粒煎服

消毒犀角飲子治癰及癰疹

牛旁子

六錢

荊芥

防風

各三錢

甘草

一錢

右咬咀水煎服

解毒防風湯治癰及癰疹癢痛

防風

一兩

地骨皮

黃耆

芍藥

荊芥

枳殼

牛旁子

各半兩

右為粗末每四五錢水煎服



調中湯治內傷外感而發陰癰

蒼朮

一錢半

陳皮

砂仁

藿香

芍藥

炒

甘草

炙

桔梗

半夏

白芷

羌活

枳殼

各一錢

川芎

五分

麻黃

桂枝

各五分

右咬咀薑三片水煎服

丹毒

丹毒方論

丹之為候由熱毒之氣搏於榮血而風乘之所以赤浮肌肉而為之走注也然丹有五丹不特色赤或青或黃或白或黑是血熱風毒有盛有衰元冷挾熱故其色變易又不同焉要之諸瘡皆屬於心心為血之主血為熱之媒古人以丹命名蓋謂心應火色尚赤端冷揆元夫既心家血熱所致風以動之於是遊走而遍體也蔓衍而不歇則爛肌自四肢而入腹入腎則殺人惟初生於

胃腹然後流散於四肢者易愈

丹毒證治

藍葉散治諸丹發熱赤腫

白芷

柴胡

知母

杏仁

去皮

川芎

赤芍藥

生地黄

川升麻

乾葛

生甘草

各一分

爛石膏

梔子仁

各半分

藍葉

日乾一分

右剉細每一錢半新水煎服熱甚加黃芩玄參煎服  
防已散治諸丹

漢防已

錢三

川升麻

黃芩

犀角

黃耆

川芎

各一分

朴硝

錢一

右剉每一錢半新水入少蜜并竹葉煎

朱黛散解丹熱諸毒

青黛

土朱

各一分

軟滑石

荊芥穗

各半分

右為末每一錢半蜜水調下兼與撲身

人參羌活散

方見眼目門

惺惺散

方見癰疹門

夾和用竹葉煎湯

調下治諸丹

諸丹熱證加黃芩玄參冷證加黃耆白芷

疎風解毒散亦治丹毒

方見諸惡瘡門

傳方

紫浮萍一椀 中等活地龍七條研細傳

又方芒硝末水調傳 又方赤小豆末雞子清調傳

又方青澱汁傳 又方水藻搗傳

又方芭蕉根取汁傳 又方梔子大黃蜜水搗傳

又方猪糞燒灰雞子清調傳

洗方蠶沙一升井水煎溫和密室洗

青白丹竈中黃土一分豉半分為末麻油調傳

小兒風疹走帶方

薑黃

荊芥

黃連

土朱

赤小豆

爛石膏

等分

右為末撲之服藥同前

附諸方

藍青散治一切丹毒赤腫

藍青

知母

甘草

杏仁

去皮尖  
各五錢

黃芩

升麻

柴胡

寒水石

石膏

山梔

赤芍藥

各四錢

羚羊角

三錢

右剉每服三錢水煎服

消毒飲治赤丹火丹紫菰丹

牛旁子

炒研  
三兩

荊芥穗

五錢

甘草

炙一兩

防風

升麻

各七錢半

犀角

三錢

麥門冬

桔梗

各五錢

一方加朴硝

二錢

右咬咀每服一二錢水煎服

一方治火丹毒遍身赤腫痛



寒水石

石膏

各三錢

黃栢

甘草

各一兩

右為末芭蕉汁調敷

一方治火帶

歌曰

瘡毒細如天火帶

能令斑駁皮肉壞

爛研一味百合根

傳若頻時消亦快

一方治丹瘤

大黃

朴硝

土蜂窩

右為末水調塗之

洗藥方

防風

酸車草

赤豆

竈心土

等分

右煎湯洗立効

附天庖瘡方

防風通聖散

蚯蚓泥

右共為末畧炒蜜調傳極妙

從肚皮上起者是重熱發於外還服防風通聖散

見中

風門

癩風

癩風方論

癩風即經所載癘風也癩之名非一證狀多端不出五  
種風生五種虫是爾黃風生黃虫青風生青虫赤風生  
赤虫白風生白虫黑風生黑虫四虫猶可措手惟黑虫

未必有瘳吁此惡疾也瘡瘍荼毒乍熱乍寒身體魁癰  
手足指脫眼爛鼻塌齒豁唇翻顏色枯黃眉鬚墮落頑  
痺痛癢不能屈伸病證之惡莫甚乎此然此雖出於風  
必有所致大率多因嗜慾無度勞動氣血熱發汗出不  
避冷濕外風遂致淫氣與榮衛相干衛氣挾邪則肌肉  
不仁榮氣泣濁則脉絡瘀熱故遍身瘍潰變壞人形千  
金所謂自作不仁極猥之業雖有悔言而無悔心故應  
如是亦有傳染觸犯而得者此則不謹之所招也其重

在於病軀去來無數甚入骨髓食人肝則眉睫脫落食人肺則鼻柱頹崩食人脾則語音變散食人腎則耳鳴如雷若食其心則諸痛癢瘡心實司之心不受觸觸則死矣人有斯疾切須忌鹽及一切口味幽隱林泉屏棄世務蚤蚤救療庶為全人治法以踈風殺虫逐惡毒輩為之宣通謹勿用補此風從頭起而下者順從足起而上者逆順則易逆則難又當識此餘於直指後集歷節方論見之

大寒大熱不得行淫多致風  
癩或久病尪羸廢其肢體

癩風方論

通天再造散治大風諸癩

川鬱金

半兩

綿紋皺大黃

一兩  
微焙

白牽牛

半生半炒  
取仁半兩

黑色大皂英刺

一兩  
半焙

右細末每服三錢半月首五更面東好酒調下重者  
泄出黑頭小虫輕者泄如魚腸爛肉極臭服藥至無  
虫則瘥四箇月絕口味但喫白粥白飯慇懃室慾永

斷牛馬驚鴨等物下藥條至勿令病人知恐虫匿也  
本事神效追命散治大風

北大黃

七錢半

大皂莢刺

一兩

川鬱金

半兩

右細末每二錢用真大風油入好酒溫調臨睡服隔  
兩日再服直候泄下無虫方瘥此疾業緣果報常須  
至誠念佛懺悔以全其身

皂棘湯治大風

皂莢刺

燒半生半  
灰二錢

北大黃

一錢

輕粉

半錢

右末酒調空心服取下惡物服藥數日齒出毒血甚臭

皂角圓治大風諸癩

肥長皂角

二十條先炙透後去皮弦其核自脫

右以皂角肉多用酒慢火煎得稠粘濾出清稠者候冷入雪糕杵為圓桐子大每五十圓不飢飽酒送下  
硫黃酒熬癩風虫



明硫黃

乳鉢  
研細

右入酒調空心飲清汁明日添硫黃再研入酒如前  
或添大風油更好

黑虎丹治大風諸癩惡虫內蝕形骸變壞

天靈蓋

三兩

蝦蟇

二个去頭足  
燒存半生

生人中白

桃仁

浸去皮  
各二兩

麝香

一錢

硫黃

雄黃

各一兩

穿山甲

熟灰  
揀焦

老皂莢刺

燒存半生  
各半兩

輕粉

二錢半

右末煉蜜圓桐子大每三十圓月首五更米飲連日服取虫盡則愈殺瘰癧虫通用

烏蛇圓治風癰殺五虫

胡麻子

四兩

烏蛇肉

酒浸焙

乾蛟房

炙各兩半

苦參

檳榔

獨活

桃仁

沒去皮日乾

白蒺藜

炒杵去刺各一兩

皂莢刺

炒焦

貫衆

各七錢半

蕪荑

雷圓

雄黃

硫黃

各半兩

朱砂

二錢半

蝦蟇

二箇去頭足炙焦

右細末以長皂角十條水三升掇取濃汁去滓煎成膏和藥末圓如桐子每三十圓空心溫酒下

雄朱散治大風

雄黃

朱砂

滑石

阿魏

雌黃

雷圓炒

礬蘆炒

硫黃

生犀角屑

各三錢半

芫青虫

斑猫虫

各去翅足糯米炒透各用二十四箇

黑皂莢刺

焙七錢半

右細末每服三錢天明溫酒調下明日再服

雷圓散風癩取虫

水銀

硫黃

雄黃

各二錢半用乳鉢入點醋同研令星盡為度

雷圓

阿魏

貫衆末

各二錢半

麝香

右研極細每一錢天明溫酒調下明日又服

蝦蟇圓治大風殺五虫

乾蝦蟇

一兩  
炙黃

肥長皂角

一條先炙透後去  
皮弦核蘸酒再炙

右為末以竹管引入羊腸內繫兩頭用麴二升鋪甑  
內置麴上蒸熟去麴入麝半錢同搗圓如桐子每二  
十一粒空心溫酒下

蔓荊圓治大風

蔓荊子

蒼耳

即鼠  
粘子

枸杞子

牛蒡子

炒

黑牽牛

炒

胡麻

白芷

何首烏

威靈仙

荊芥穗

獨活

蒺藜

炒杵  
去刺

華陰細辛

去苗  
葉土

直僵蠶

炒去  
絲

道人頭

去刺取仁  
各半兩

皂莢刺

炒  
焦

苦參

大草烏

去皮尖生  
各一兩

右細末大風油和圓桐子大每二十四圓食前茶清  
下

必用厲風方并返魂追命再造散皆治大風胡麻散解

風毒熱氣癰疹瘙癢

方並見  
庭節門

蠟礬圓癩風常服以解內

毒

方見癰  
疽門

聖惠方千金方治大風單服鍊成松脂

癩風服藥半月後兩腰眼各灸七壯

附諸方

磨風丸治大風

川當歸

羌活

獨活

川芎

天麻

細辛

防風

荆芥

葳靈仙

麻黃

何首烏

石京子

牛旁子

車前子

皺面草

即地松

蒼耳子

各一兩

右皆不見火晒乾為細末酒煮麵糊為丸如梧桐子大每服三十丸食前溫酒下服後煎藥熏洗加減大造苦參丸治大風瘡及諸風赤白癩風

苦參

一斤

防風

荆芥

蒼耳子

胡麻子

半生半熟

皂角刺

各十兩

蔓荊子

牛旁子

黃荊子

枸杞子

何首烏

禹餘糧



蛇床子

各三兩

香白芷

一兩半

薄荷

生地黄

各一兩

右為細末用皂角搗爛熬膏入前藥勻為丸丸如梧  
桐子大每服五十丸茶酒任下

一方治大風眉毛脫落肌膚拆裂

用防風通聖散加苦參天麻蟬蛻早晚各一服至百  
貼必愈忌房事鹽醬葷腥生冷油膩之物

一方治大麻風

苦參

酒浸  
一宿

牙皂

一兩

龜板

一箇  
酥炙

僵蠶

一錢

全蝎

去頭尾  
一錢

輕粉

三分

全付鷲毛

鍋內炒化放於  
地上出火毒

共為末每服一錢好酒調下每日早晚各一服

一方治大麻風洗藥

苦參

荊芥

防風

白芷

獨活

羌活

藁本

各一兩

落陽花

四兩用燒酒一斤  
浸一宿酒不用

右咬咀勻作三次煎水洗汗出為度

防風通聖散

方見中風門

當歸括痛湯治大麻風兩足血風瘡痛癢等証

方見腳氣門

癰風

癰風方

雞子一枚用酸醋浸一宿

右以針刺小穿瀝清汁入砒末并綠豆末少許夾和  
先以石札擦破次用青布蘸擦妙

治赤癰白癰方

硫黃

明白礬

並生

右為末薑汁調如蒂蘸擦兩三次

癰風方

雄黃

硫黃

黃骨丹

蜜陀僧

大南星

右等分為末先用薑汁擦患處次用薑蘸藥末擦擦後漸黑次日再擦黑散則無事矣

附諸方

蒼耳丸治諸風及諸風癰疹白紫癰風

五月五日割取蒼耳草葉洗淨晒乾為末煉蜜丸如梧桐子大每服十九日三服若身體有風處或如麻豆粒此為風毒出也可以針刺黃汁出盡乃止

靈草丹治一切風疾及癰疹紫白癰風痛癢頑麻

採紫背浮萍草攤於竹篩內下着水晒乾為細末煉蜜丸如彈子大每服一丸用黑豆淋酒化下及治脚

氣打撲傷損渾身麻痺

諸風應効酒治一切諸般風濕痺遍身骨節疼痛紫白

癰風神効

方見歷節門

附汗斑方

一方治汗斑紫白色者

用白附子硫黃各等分為細末以品帶蘸醋粘末擦  
一方

用夏枯草濃煎水日洗數次

肥皂方去白癬黑點白癬諸般瘡痕令人面色好

白芷

白附子

白殭蠶

白芨

猪牙皂角

白蒺藜

白歛

草烏

山查

甘松

白丁香

大黃

藁本

鶴白

杏仁

豆粉

各一兩

猪脂

去膜三兩

輕粉

蜜陀僧

樟腦

各半兩

孩兒茶

三錢

肥皂

去裏外皮筋并子  
只要淨肉一茶盞

右先將淨肥皂肉搗爛用雞清和晒去氣息將各藥  
為末同肥皂猪脂雞清和為丸

一方

用生小茄兒分為節擦之三五次効

諸瘡

諸瘡方論

諸瘡雖不能害人然浸淫無已亦有多年不獲愈者此



皆心腎不濟飲食不節腸胃停留以致風毒與血氣搏  
凝滯於肌肉之間而發露也其名目療治有異焉凡人  
體虛感受風熱濕毒之氣發為瘡瘍癢痛焮腫身熱多  
汗是為惡瘡或生於手足間相對如新茱萸癢痛拆裂  
搔則黃汁淋漓有孔如癰久而生虫是為蝸瘡或初生  
如飯粒漸大而有根頭破血流濃出肉反如花開之狀  
是為反花瘡或初生甚小先痒後痛汁出浸淫濕爛肌  
肉延至遍身若從口發出流散四肢者輕若從四肢發

生然後入口者重是為浸淫瘡或生於兩耳鼻面間及

下部諸竅侵蝕筋絡月中則瘡盛月末則瘡衰以其隨

月而生是為月蝕瘡

小兒耳下瘡亦名月蝕

或毒氣攻於手足指

弩肉累上指甲疼痛出血瘡中有虫是為甲姐瘡或指

頭先腫焮熱掣痛然後於爪甲邊結膿甚者爪甲俱脫

是為代指或人稟性畏漆見漆則中毒面痒而腫遠眼

微赤痒處搔之隨起痞癰重者遍身如豆如杏膿焮作

痛是為漆瘡或盛夏腠理易開風熱毒氣搏於皮膚輕

者狀如撒粟重者熱汗浸漬匝匝成瘡曰癩瘡或心神  
鬱燥遍身發瘡多出膿血赤爛如火曰熱瘡或身觸風  
寒冷氣以致血澁不行其瘡頑滯不知痛痒經久難瘥  
曰冷瘡或身發瘡腫非癰非疽非癬非疥狀如惡瘡或  
瘥或劇曰無名瘡或頭生白團班剝如癬上有白皮久  
則成痂遂至滿頭瘡中有孔有膿細虫入裏不痛微痒  
少長不瘥曰禿瘡或風熱毒氣流注兩腳生瘡腫爛疼  
痛步履艱難惟生於臙骨者為重曰臙瘡以其骨上肉

少皮薄難愈至有多年無已瘡口開闊皮爛骨現臭穢可畏者先當取虫然後傳藥或淫夫龜上生瘡初發如粟拂之則痛由是出清膿作白孔侵蝕臭爛日漸大痛曰妬精瘡以婦人先有宿精在內或月水未斷與之交接滌穢不前傳氣而作婦人亦有生於玉門者曰陰蝕瘡或滿頰滿項發如豆梅痒而多汁延蔓兩耳內外濕爛如浸淫瘡之狀曰走皮癰瘡田野呼為悲羊瘡已上數種名目不同治各有方條列於後

諸瘡證治

桑螵蛸散治諸惡瘡

桑螵蛸

地龍

貝母

厚黃栢

各半兩

號丹

煨

乳香

各一分

粳米粉

二錢

雄黃

輕粉

各一錢

麝香

半錢

右細末以不食井水和沙糖調傳

又方

蜘蛛晒為末麻油輕粉調傳

乳香蠟油膏治蝸瘡久不瘥

杏仁

水浸去皮晒

乳香

各三錢

硫黃

輕粉

各一錢半

蠟

半兩

麻油

一合

右研極細先熬油沸入蠟溶盡次入諸藥煎攪成膏冷地出火毒磁器收用

又方

燕窠取抱子處土為末摻先以白芷大腹皮煎湯洗

拭後摻

胭脂散治反花瘡

臘脂

貝母

胡粉

各一分

硼砂

沒藥

各半分

右末研細先以溫漿水洗拭後傅藥

苦練散治浸淫瘡

苦練根

日乾燒存性

右為末豬脂調傅濕則摻先用苦參大腹皮煎湯洗

胡粉散治月蝕瘡

胡粉

炒微黃

白礬

煨

號丹

煨

黃連

淨

輕粉

各二錢

臘脂

一錢

麝

少許

右末先以溫漿水入鹽洗拭後摻藥如瘡乾麻油調

傳

綠礬散治甲瘡

綠礬

半兩燒熟

蘆會

一錢半

麝

一字



右研如粉以絹袋盛藥納所患指於袋中線扎定瘡  
為度

烏梅醋法治代指手指甲頭腫

烏梅

揔去殼肉  
只取仁

右研細米醋調得所入指漬之自愈

又方

中樣蚯蚓和猪脂擣如泥傅

漆瘡方

生蟹取黃隨瘡大小徧傅之

又方臘茶用麻油調塗 又方雞子中黃打開塗

又方磨鐵槽中取泥塗磨刀石下泥亦得

滑石粉治癰瘡

綠豆粉

二兩  
焙透

軟滑石

一兩  
研

右末拌和以綿撲子蘸撲仍以石粉佐之

紫草膏治熱瘡

紫草茸

黃連

黃柏

漏蘆

各半  
兩

赤小豆

綠豆粉

各一  
合

右搗細入麻油為膏日三傳常服黃連阿膠圓清心

又方治熱瘡淫濕

南星

半夏

黃栢

黃連

各一  
分

五倍子

煨

號丹

各半  
分

右細末摻瘡加煨白礬更瘡加雄黃

又方熱瘡止痛收汁先用大腹皮苦參白芷煎湯泡荆

芥洗次用

地榆

苦參

黃連等分

右為細末入此真蚌粉乾摻更去皮綠豆

檳榔散治冷瘡

雞心檳榔

木香

硫黃

薑黃

各半兩

吳茱萸

二錢

麝香

一字

右搗末麻油調傅有膿則乾摻

赤豆散治無名瘡

赤小豆

吳茱萸

赤色白膠

厚黃栢

黃連

貝母

硫黃

糯米

焙各一分

號丹

煨半分

右末麻油輕粉調抹槐枝煎湯先洗後抹

烏羊膏治頭白禿瘡及惡瘡臘瘡

獐猪糞

臘月收燒灰半兩

檳榔

二錢

雄黃

一錢

右末先以麻油調和鴨子清約頭大小作厚餅溫覆頭上引虫不可熱覆不得動頭待十分瘡忍不得令

人急手揭起次用苦練根煎湯淋洗拭淨濕則搽乾  
則麻油輕粉調抹

治頭爛瘡燕窠土為末摻

竹葉膏治兩腳骨腫瘡先用

小網蝦

三十尾去  
頭殼尾

右同糯米飯一合研細臨卧以帛扎患處上下次以  
青紗罩瘡却將蝦飯傳青紗上別用青紗罩蝦飯之  
上繫定至五更初解紗連蝦飯揭起掛空閑處皆是

小赤虫即以漢椒葱白煎湯候溫淋洗次用舊茶籠  
內白竹葉隨瘡大小剪貼軟帛繫之一日兩換直待  
汁水出盡方以好膏藥貼逐日煎苦練根湯淋洗仍  
換膏藥直待生肉將滿則不用膏藥其瘡口只如筋  
尾許乃可以血竭或降真香節夾白歛收平瘡口切  
忌動風發氣等物

又腫瘡方先用荊芥蔥頭入白鹽少許煎湯洗拭次用

雄黃

雌黃

硫黃

白礬

煨各二錢

鷹爪黃連

去鬚

厚黃栢

各三錢

輕粉

半錢

號丹

煨二錢

右並細末外用麻油一酒盞煎已豆肉二錢濾清筆

蘸抹藥末摻其上妙甚

又方先用桑葉白芷煎湯洗拭次用

木香

檳榔

五倍子

白芷

貝母

等分末摻

又方



豬糞

燒帶性  
半兩

雞心檳榔

三錢

真龍骨

二錢

輕粉

一字

右末麻油調傅先鹽湯洗拭後用藥兩日一換

又方

中鯽魚

二尾  
洗淨

滿尺皂角

一條  
劈開兩片夾鯽魚  
用麻扎煨乾燒存性

穿山甲

炙焦八皂  
角內二錢

右細末先以井花水洗盡膿汁用白竹葉一葉針插  
多孔縛於瘡上候水出盡然以麻油輕粉調藥傅

又方先用酸漿水溫煖淋洗次用

生覆盆子葉

瓦上  
煨乾

右碾極細乾摻紗扎次日以新水濕去痂又用溫漿

水洗拭摻藥

麝香散治妬精瘡

青黛乾

款冬花

等分

麝

少許

右末先以地骨皮桑白皮煎湯溫洗軟帛拭乾次以

津唾調藥傅

又方久年冊皮青紙以津唾粘濕貼上明日又重貼勿動自愈舊青紙蓋取青黛涼而煞虫紙無性耳

治陰汗濕癢方

綠色爐甘石

一分 真蚌粉 半分

右細末撲傳

豆坯散治陰蝕瘡

綠豆粉

蝦蟇灰

各一分

臘脂

半分

右細末乾摻

神降散治走皮癰桑寄生一小把木槲桑根取皮一握  
白芷黃連煎湯溫和以帛蘸洗候露出盡拭乾傳藥

滿尺皂角

去弦核  
燒存性

麻竹大籜

燒存性

厚黃栢

鷹爪黃連

爪樟葉

乾

白芷

右逐件為末等分麻油調抹自然生 神效謹勿喫

醋

又癰瘡發歇不止

凌霄藤并葉煎湯溫洗凌霄傍松栢槩生數次洗  
效

蠟礬圓

方見癰疽門

諸瘡皆可服內消其毒凡洗瘡須用藥

草煎湯

疎風解毒散治諸惡瘡頑癢悶熱及婦人血風遍身紅  
斑圓點斑中漸發疹癩開爛成瘡癢痛

白芷

細辛

蒺藜

炒去刺

麻黃

去節

雞心檳榔

當歸鬚

生乾地黄

川芎

赤芍藥

川獨活

牽牛

微炒  
取仁

蒼朮

炒

桑白皮

炒

枳殼

製

甘草

微炙  
等分

右剉散每服三錢入黑豆七十粒紫蘇五葉薑五片

同煎服如大便秘加此生大黃次用貝母膏傳瘡

貝母膏

貝母

三錢  
半

半夏

生

南星

五倍子

白芷

厚黃栢

苦參

各二錢半

號丹

煨一錢半

雄黃

一錢

右細末初用蜜水調傳兩三次後只乾摻先以蜂房白芷苦參大腹皮荆芥煎湯熏洗拭乾即用藥或間有留滯不瘥以好膏藥貼

惡瘡方

赤色白膠

一錢

明白礬

三錢

黃色黃丹

半錢

右細末麻油調傳先以酸漿水煖過洗瘡拭乾用又方貝母為末入些雄黃摻

又方治久不瘥

透明硫黃

黃連等  
分

右細末以雞子清一箇打碎鋪新瓦上焙為末夾上  
項藥麻油輕粉調傳先用白芷葱頭煎洗

諸瘡頭瘡方

滿尺皂角

去弦核  
一錠

黃連

淨半  
兩

赤色白膠

五倍子

各三  
錢

蛇床

一  
錢

黃丹

煨二  
錢

輕粉

半  
錢



右細末先用柳枝煎湯洗拭後摻或用黃連半兩蛇床一分晒乾為末麻油輕粉調傳

又頭瘡方

黃連

為末用麻油輕粉調得所攤於枕中將艾一撮燒煙枕覆其上熏之續再加艾熏用

治頭禿瘡方

五靈脂

白礬

白芷

青黛

好草烏

各一分

右為末麻油調傳

頭痺頭腦方頭枕後生正者為腦側者為痺

輕浮白浮石

燒存性  
各半

右麻油輕粉調雞羽刷上勿用手按即漲或用黃牛  
糞於瓦上焙乾加之尤好亦治頭瘕

治瘕方

大乾芭蕉葉

熨斗內  
燒存性

右為末麻油輕粉打和傳瘕留頭以軟紗貼換易三  
次或散或破無痕

又方

穿山甲

蚌粉

同炒

右末麻油輕粉調傅

胎癰頭熱紅餅瘡方

生艾

白芷

大腹皮

連根葱

右煎湯洗拭以生藍青葉入此生艾搗細蜜水為膏  
傅亦治惡瘡

又惡瘡方

硫黃

黃連

淨末各一分

黃丹

赤白膠

蛇床

樟腦

髮灰

各半分

右末濕則摻乾則麻油調傳

又方

白礬

煨

五倍子

厚黃栢

黃連

淨

黃丹

煨

海螵蛸

貝母等分

右為末入麝少許搽痛則加地榆癢則加苦參

又方用貝母膏

方見諸惡瘡類

加黃連蜂房爛石膏尤好或用

麻油膩粉調抹本方內去雄黃

白禿頭方雄豬膽汁半入法醋須以雞羽掃傅

附諸方

當歸飲子治心血凝滯內蘊風熱發見皮膚遍身瘡疥  
或腫痒膿水浸淫或發赤疹痞瘤

當歸

川芎

芍藥

地黃

防風

白茯苓

剉去

荊芥穗

各一錢七分

何首烏

黃耆

甘草

各八分半

右咬咀分二貼每貼水二盞薑三片煎八分溫服

連翹飲治諸惡瘡痛癢不定心煩口乾及婦人血風紅斑圓點開爛成瘡流黃汁

川芎

當歸

芍藥

地黃

防風

荊芥

連翹

牛旁子

炒研破

山梔

黃芩

瞿麥

木通

瓜蒌根

麥門冬

去心

甘草

各等分

右咬咀每貼七錢水二盞燈心二十莖同煎八分服

一方治一切疥瘡

雄黃

五錢

樟腦

五分

大楓子

取肉

斑猫

去足翅炒各十雙

狗脊

蛇床子

寒水石

硫黃

錢各五

右為極細末疥瘡用柏油調搽癬瘡用柏油調搽

一方治疥瘡神效

大楓子肉

獐腦

錢各一兩

水銀

皂礬

錢各一

油核桃肉

柏燭油

先將大風子搗爛次加獐腦水銀皂礬核桃碾和為末再將柏油熬化入藥和勻抓破瘡搽之効

一方治凍爛脚成瘡



黑附子

生去皮臍

右為末麵水調貼

白歛散治凍耳成瘡痒痛

黃栢

白歛

各五錢

右為末先湯洗次用香油調傳

治手足皸裂方

瀝青二兩黃蠟一兩共熬攪勻瓦礮盛貯先以熱湯洗令皮軟拭乾將藥於慢火上畧炙擦傳

一方治手足皸裂春夏不愈者

生薑汁

紅糟

鹽

猪膏

願月  
者佳

右研爛炒熟擦入皸內一時雖痛少須使皮軟皸合  
再擦即安

一方治腳跟皸

用頭髮一大握桐油一椀於瓦器內熬候油沸頭髮  
化爛出火攤冷以瓦器收貯勿令灰入每用百沸湯

泡洗皸裂令軟拭乾傳其上即安一方加米粉

附楊梅瘡方

防風通聖散治楊梅瘡初起疼痛增寒壯熱

方見中風門

本方每服加山牛四兩如汗多去麻黃大便澹去硝黃服之

又方

冷飯團

一名土茯苓

五加皮

白蘚皮

防風

白芍藥

木瓜

各一兩半

皂角

白丑

各三十粒

生地黄

酒洗

地骨皮

牛膝

黃連

槐花

川芎

尋風藤

葳靈仙

白茯苓

杜仲

炒斷絲

白芷

當歸

酒浸洗各一兩

甘草

炙半兩

荊芥穗

一兩半

右咬咀作二十服每服用水一鍾酒一鍾煎至一鍾

在上食後服在下食前服忌牛肉

又方

當歸

連翹

羌活

荊芥穗

薄荷葉

枳殼

黃栢

茯苓

車前子

防風

木通

芍藥

川芎

頭上用

山梔

桔梗

天花粉

僵蠶

白芷

甘草

金銀花

獨活

各一兩

柴胡

前胡

各半兩

右咬咀作二十服每服用水二鍾煎至八分溫服上  
多食後服下多食前服服此仍用熏藥並治

一方治楊梅瘡神効

人參

白朮

當歸

生地黄

各一錢二分

防風

一錢五分

木通

苦參

川芎

連翹

薏苡仁

各一錢

木瓜

皂角刺

天花粉

各八分

甘草

羌活

青風藤

各五分

白蘚皮

一錢

山牛

三兩

金銀花

一錢八分

右咬咀每服水三碗煎至二碗一次用渣并二次忌

燒酒茶牛肉

薰楊梅瘡方

雄黃

沉香

各三分

乳香

沒藥

硃砂

各五分

血竭

三分

黑鉛

水銀

各一錢

右為末均作紙撚七條用香油點燈放床上令病人  
兩腿抱住上用單被通身蓋之口噙冷水頻頻換之  
則不損口頭一日用三條後每日用一條薰之有効  
一方治楊梅癰漏腫塊

杜枸杞子

防風

牛膝

牙皂

枳殼

當歸

連翹

苦參

蓼粟壳



僵蠶

赤芍藥

杜仲

荆芥

白蘚皮

川芎

皂角刺

木瓜

防已

薏苡仁

天麻

木通

金銀花

茯苓

各等分

黃柏

牛蒡子

右咬咀每服一兩加冷飯團四兩用水五椀煎三椀  
病在上食後服病在下食前服忌食雞魚牛肉煎炒

虛者人參服之神効外用秘傳止血定痛生肌散搽之去腐生新收口

方見折傷門

### 疥癬

#### 疥癬方論

疥與癬風毒客於肌膚所致也風毒之浮淺者為疥風毒之沉深者為癬疥則多因風毒挾熱得之癬則多因風毒挾濕得之疥發於手足或至於遍身癬則肌肉癰疹或圓或斜或如苔莓走散內藏汁而外有筐二者莫

不均有虫也亦莫不易為之染觸也歟赤癢痛作瘡有  
膿曰大疥隱起帶根搔不知痛曰馬疥瘡癰含漿摘破  
出水曰水疥癢而搔之皮起乾痂曰乾疥薄皮小瘡常  
常淫汁曰濕疥此疥之名目然也乾癬則搔出白屑索  
然彫枯濕癬則淫如虫行搔之多汁風癬則爪擦痺頑  
不知痛癢牛癬則狀如牛領皮厚而堅其若時作微癢  
白點相連是之謂狗癬輪廓全無縱橫不定是之謂刀  
癬此癬之種類然也疥癬治法驅風殺虫固也然殺虫

於其外亦須以硫黃輕粉蠟礬圓輩服餌而內濟之庶  
絕其根矣若夫腫而濕者有熱槁而乾者無熱用藥加  
減又當權衡

疥癬證治

諸疥方

透明生硫黃

半兩

明白礬

二錢半

白葉

一葉去中心  
骨燒存性

右末麻油輕粉調抹

又方 疥癬方

硫黃

明礬  
煨各半兩

黃連  
淨七錢半

雌黃

胡粉

蛇床  
各二錢半

右細末猪膏稀調抹

又方

生明硫黃  
半兩

黃丹

樟腦  
各一錢

輕粉  
半錢

右末乾擦熱疥赤腫加荆芥

又方

生明硫黃

半兩

爛石膏

二錢

黃丹

一錢

右末麻油調抹

濕疥方

生明硫黃

半兩

胡粉

黃丹

各二錢

右末乾擦

疥癬惡瘡方

滿尺不蛀皂角

三條炙去弦核為末米醋  
二大盞煮如鉛膠濾清汁

右入黃連末半兩輕粉二錢調抹太學全蝎散治瘡

疥

方見  
瘰門

諸癬妙方

斑猫

二十一  
枚生用

明硫黃

蔡蘆

各三  
錢

輕粉

一錢  
半

右細末麻油調擦

又方

鯽魚

一  
頭

生髮

一雞  
子大

明硫黃

雄黃

各半  
兩

生猪脂

四  
兩

右件先煮猪脂溶沸即入鯽魚煎令煙盡次入髮銷  
盡濾清即入硫黃雄黃末拌和磁器收用

又方

草烏頭

不去皮尖截小塊一半用猪脂  
煑令浮黃一半用鹽炒令焦黃

右末酒麪糊圓桐子大每十五圓茶酒任下亦治諸  
風頑痺

王醫師癬方先用川椒連根葱紫蘇莖煎湯溫洗次用

吳茱萸

生半夏

草烏



白芷

赤小豆

等分

右細末米醋夾生蜜稀調傳

又惡癬方

紫背草入生明礬研細傳兩三次斷根

又久癬方

生硫黃

消石

明礬

煨各半兩

雄黃

雌黃

各二錢半

輕粉

一錢

右細末好麻油調傳濕則搽

又方猪脂煎真膩粉擦○小兒癬猪脊骨髓條研和膩粉傳

乾癬方

狼毒

草烏頭

各二錢半

斑猫

七枚去翅足

右生為末津唾調抹

濕癬方

明礬

煨

黃連

各半兩

胡粉

黃丹

水銀

各二錢

右末用猪脂油二兩夾研令水銀星盡散磁盒收用  
又方

斑猫

去頭足糯  
米炒去米

右為末以淮棗盪軟取肉研圓津唾調抹  
牛皮癬方舊皮鞋底燒存性麻油輕粉調抹

又癬方石榴根取皮蘸明礬末擦切莫用醋則出沉也  
輕粉治癬方五更喫炙牛肉一片細嚼下少刺以真輕  
粉醇酒調下

遍身牛皮癬方

川烏

草烏

去皮  
尖

何首烏

白芷

蘇木

等  
分

右截小片臘月猪脂油煮焦候冷入鹽少許磁器收

時常挑一匙酒調空心服

又方雌黃末入輕粉猪膏調抹

附諸方

連粉散風癬濕瘡並皆治之

黃連

膩粉

黃栢

黃丹

枯白礬

錢各一

輕粉

龍骨

蘆甘石

分各五

右為細末每用少許濕則乾搽乾則香油調搽

碧玉散治癰

銅綠

硼砂

白礬

分各等

右為細末香油調搽

又方

防風通聖散去硝黃加浮萍皂角刺服又用紫蘇  
樟腦蒼耳浮萍煎湯洗

又方

浮萍

蒼耳

蒼朮

各一兩

苦參

一兩半

黃芩

半兩

香附

二錢半

右用酒糊為丸

一方治癰神効

巴豆

十粒

黑棗

五箇

共搗為爛搽之立効

一方治諸癬神効


川槿皮

剪草

木鱉子

各等分

右為細末用醋調塗之即愈



仁齋直指卷二十四